

ՊՐՈՏՈԶՈՐՈՒԹՅՆԵՐԻ ՀԱՄԱՄԻՈՒԹԵՆԱԿԱՆ ԸՆԿԵՐՈՒԹՅԱՆ
ԱՌԱՋԻՆ ՀԱՄԱԳՈՒՄԱՐԸ

1971 թ. հոկտեմբերի 12—15-ը Բաքվում տեղի ունեցավ Պրոտոզոոլոգների համամիութենական ընկերության առաջին համագումարը՝ նվիրված նախակենդանիների ուսումնասիրության արդիական հարցերին: Ինչպես հայտնի է, նախակենդանիները ուրույն տեղ են զբաղեցնում կենդանական աշխարհում: Լինելով միաբջիջ, նրանք ի վիճակի են իրագործել բազմաբջիջ օրգանիզմների ֆունկցիաները և ունենալով բջջային մակարդակի կառուցվածք, օգնում են բացահայտել բջջի էվոլյուցիոն հնարավորությունները և նրա ֆիզիոլոգիական փոփոխությունների ուղիները: Այդ պատճառով էլ զգալի տեսական և գործնական հետաքրքրություն են առաջացնում գիտական աշխարհում: Պատահական չէ, որ գենետիկները, բիոքիմիկները, բիոֆիզիկները և ընդհանրապես կենսաբաններն ավելի ու ավելի հաճախ են օգտագործում վերջիններիս, որպես փորձնական հետազոտությունների օբյեկտ: Նրանց մակարում ներկայացուցիչներից շատերը հանդիսանում են մարդու, ընտանի կենդանիների, ձկների և օգտակար միջատների մի շարք ծանր հիվանդությունների հարուցիչներ: Մեծ է նրանց դերը ջրի ինքնամաքման ու երկրագնդի հողաշերտի կազմավորման պրոցեսում: Նրանք կեր են ծառայում ձկների և այլ ջրային կենդանիների համար: Նախակենդանիներին կարելի է նաև օգտագործել որպես կենսաբանական պայքարի միջոց, գյուղատնտեսական կուլտուրաների վնասատուների դեմ: Հետևաբար, պատահական չէ, որ նախակենդանիների ուսումնասիրությամբ զբաղվել և զբաղվում են տարբեր մասնագետներ:

Այդ է պատճառը, որ 1966 թ. Լենինգրադի մի խումբ գիտնականներ պրոֆ. Յ. Ի. Պոլյանսկու գլխավորությամբ, առաջարկեցին ստեղծել Պրոտոզոոլոգների ընկերություն, որը գործնական կապեր ու կոնտակտներ ստեղծելով կմիացնի տարբեր բնագավառներում գործող պրոտոզոոլոգների ջանքերը բազմաթիվ պրոբլեմներ լուծելու նպատակով:

Խիթենական ԳԱ ընդառաջեց այդ նախաձեռնությանը և ստեղծեց պրոտոզոոլոգների ընկերության կազմակերպչական կոմիտե: 1968 թ. կայացավ կազմակերպչական համագումարը: Այժմ Պրոտոզոոլոգների ընկերությունը ունի 13 բաժանմունք, միութենական հանրապետություններում, այդ թվում նաև հայկական բաժանմունք:

Համագումարը նշեց ընկերության դրական դերը պրոտոզոոլոգիայի զարգացման բնագավառում, ինչպես մեղ մոտ, այնպես էլ ամբողջ աշխարհում:

Նրա բաժանմունքներում լավեցին 203 ղեկուցումներ՝ 66-ը՝ ընդհանուր, 52-ը՝ բժշկական, 70-ը՝ անասնաբուժական, 15-ը՝ ձկների և անողնաշարավորների պրոտոզոոլոգների գծով: Համագումարի մասնակիցները մեծ ուշադրությամբ ունկնդրեցին պրոֆ. Յ. Ի. Պոլյանսկու ելույթը՝ նվիրված մեր երկրում պրոտոզոոլոգիայի զարգացման հեռանկարներին, ՍՍՀՄ ԲԳԱ թղթակից-անդամ

Շ. Դ. Մոշկովսկու ղեկուցումը իմունոլոգիայի վերաբերյալ, պրոֆ. Զասուխինի ելույթը «Պրոտոպոլոգիայի պրոբլեմները և Ի. Ի. Մեչնիկովը» թեմայով և այլ ղեկուցումներ:

Ճ. Ի. Պոլյանսկին, հույս հայտնեց, որ համագումարը խիստ կհանդիսանա պրոտոպոլոգիայի հետադադարգացման համար և հնարավորություն կստեղծի մեր զիտնականներին ավելի լավ պատրաստվելու Ֆրանսիայում 1973 թ. կայանալիք չորրորդ միջազգային կոնգրեսին:

Վ. Հ. ԽԱՉՈՅԱՆ